

11. ՀՀ տարածքում շահագործվող ավտոտրանսպորտային միջոցների արտանետումների սահմանային թույլատրելի մակարդակների չափումները իրականացնել ՀՀ կառավարության 2017թ. հուլիսի 20-ի N 860-Ն որոշմամբև ՄԱԿ ԵՏՀ N 83 և N 49 կանոններով սահմանված արտանետումների մակարդակներով կամ արտանետումների տեխնիկական նորմատիվներով՝ ելնելով ավտոտրանսպորտային միջոցների ենթախմբերից ու շարժիչի տեսակից:
12. Համագործակցել ՀՀ ոստիկանության «Ճանապարհային ոստիկանություն» ծառայության հետ որպեսզի իրականացվի ՀՀ-ում շահագործվող ավտոտրանսպորտային միջոցներից վնասակար նյութերի արտանետումների չափումներ՝ հիմք ընդունելով ՀՀ ոստիկանության պետի և ՀՀ բնապահպանության նախարարի կողմից համատեղ ընդունված համապատասխան հրամանը:
13. Մշակել իրավական ակտերի նախագծեր, որոնք կկանոնակարգեն ոլորտը կարգավորող իրավական ակտերի միջև հակասությունները:
14. Կատարել «Բնապահպանական վերահսկողության մասին» ՀՀ օրենքի 12-րդ հոդվածի 1-ին մասի ժա) կետով, 17-րդ հոդվածով և 19-րդ հոդվածի 1-ին մասի ա) և բ) կետերի և «Բնապահպանության և ընդերքի պետական տեսուչին հատկացվող զենքի տեսակը, ձևը, մոդելը և քանակը, ինչպես նաև զենք կրելու իրավունք ունեցող պաշտոնների անվանացանկը սահմանելու մասին» ՀՀ կառավարության 2005 թվականի դեկտեմբերի 9-ի N° 2242-Ն որոշման՝ Տեսուչներին ծառայողական զենք, զինամթերք, ձեռնաշղթա տրամադրելու, պահելու, կրելու և օգտագործելու վերաբերյալ պահանջները:
15. Պարբերաբար կազմակերպել «Բնապահպանական վերահսկողության մասին» ՀՀ օրենքի 20-րդ հոդվածի 1-ին և 5-րդ մասերով և «Ձենքի մասին» ՀՀ օրենքի 12-րդ հոդվածով նախատեսված տեսուչների հրազենի գործադրման անհրաժեշտություն առաջացնող իրադրություններում գործելու՝ իրենց պիտանիությունը որոշող պատրաստության ստուգումներ:
16. Հետևել «Ձենքի մասին» ՀՀ օրենքի 12-րդ հոդվածով սահմանված Տեսչական մարմնի աշխատակիցների կողմից զենք պահելու և օգտագործելու թույլտվության ձեռքբերման ժամկետների պահպանմանը:
17. Տեսչական մարմնի՝ զենք պահելու և օգտագործելու թույլտվություն ունեցող աշխատակիցները, որոնք այդ թույլտվությունը ստացել են լուծարված ՀՀ բնապահպանության նախարարության աշխատակազմի բնապահպանական պետական տեսչությունից, զենքը պատշաճ ձևով հանձնեն ՀՀ ոստիկանություն:
18. Տեսչական մարմնի ղեկավարը պետք է ընդունի գրավոր հրաման հատուկ պատրաստություն անցած և ՀՀ ոստիկանությունից զենք ստանալու, պահելու ու կրելու թույլտվություն ստացած աշխատակիցներին զենք տրամադրելու վերաբերյալ:
19. ՀՀ Ոստիկանության հետ կնքել աշխատողների հատուկ պատրաստության իրականացման պայմանագիր:
20. Հետամուտ լինել իր իրավասությանը վերաբերող իրավական ակտերի միմյանց համապատասխանությանը, այն է՝ ՀՀ կառավարության 2005 թվականի դեկտեմբերի 9-ի N° 2242-Ն որոշման մեջ սահմանված զենք կրելու իրավունք ունեցող պաշտոնների անվանացանկը պետք է համապատասխանեցվի ներկայիս իրավիճակին:

21. ՀՀ կառավարության 2005թ.-ի դեկտեմբերի 15-ի № 2296-Ն որոշմամբ հաստատված կարգով Տեսուչները պետք է սահմանված կարգով անցնեն ֆիզիկական ուժի, հատուկ միջոցների և առաջին բուժօգնություն ցուցաբերելու հմտություն ձեռք բերելու հատուկ պատրաստության դասընթացներ և ձեռք բերեն դասընթացներն ավարտելը հաստատող փաստաթուղթ:
22. Տեսուչները պետք է տեսչական գործողությունների ծավալման ամբողջ ընթացքում իրենց հետ կրեն առաջին բուժօգնության համար համապատասխան պարագաներ՝ դրանց համար նախատեսվող հատուկ պայուսակով՝ համաձայն «Բնապահպանական վերահսկողության մասին» ՀՀ օրենքի 20-րդ հոդվածի 1-ին մասի պահանջների:
23. Տեսչական մարմինը պետք է մշակի և համապատասխան մարմիններին ներկայացնի «Բնապահպանության և ընդերքի պետական տեսուչի կողմից ֆիզիկական ուժի, հատուկ միջոցների և առաջին բուժօգնություն ցուցաբերելու հմտություն ձեռք բերելու կարգը սահմանելու մասին» 2005 թվականի դեկտեմբերի 15-ի № 2296-Ն որոշման մեջ փոփոխություններ կատարելու մասին որոշման նախագիծ:
24. Կատարել ՀՀ բնապահպանության նախարարի 2006 թ. մայիսի 17-ի N 153-Ն հրամանով ամրագրված համազգեստն ամենօրյա ծառայողական պարտականությունները կատարելու, ատեստավորման, հատուկ ուսուցման և վերապատրաստման ժամանակ, իսկ դաշտային համազգեստը՝ դաշտային պայմաններում իրականացվող ստուգումների և ստուգայցերի իրականացման ժամանակ կրելու պարտավորությունը:
25. Անարդյունավետ ծախս չկատարելու համար բնապահպանական տեսուչի համազգեստի գնումը կատարել տեսուչների համազգեստների չափսերին համապատասխան:
26. Գնման տեխնիկական բնութագրերը կազմել ՀՀ կառավարության 2005թ.-ի օգոստոսի 18-ի N 2085-Ն որոշմամբ սահմանված բնապահպանության տեսուչի համազգեստի և Տեսչական մարմնի տարբերանշանի նկարագրերին և ձևերին համապատասխան:
27. Իրականացնել «Բնապահպանական վերահսկողության մասին» ՀՀ օրենքի 12-րդ հոդվածի 1-ին մասի է) կետի և 13-րդ հոդվածի 1-ին մասի ե) կետի դրույթները, այն է՝ Տեսուչի կողմից պետք է իրականացվեն առգրավված բնական ռեսուրսների, որսի, որսագործիքների և որսի գործիք համարվող այլ միջոցների՝ օրենքով և իրավական այլ ակտերով սահմանված տնօրինման կարգի պահանջները:
28. Իրականացնել ՀՀ կառավարության 2005 թվականի սեպտեմբերի 22-ի № 2168-Ն որոշմամբ հաստատված Կարգի 2-րդ կետի պահանջները, այն է՝
- փչացող առգրավված կենսառեսուրսներն անհատույց պետք է հանձնվեն տվյալ մարզի կամ համայնքի (կամ հարակից մարզի կամ համայնքի) մանկատներին, ծերանոցներին, թանգարաններին,
 - փչացող առգրավված կենսառեսուրսները չպետք է հանձնել մանկապարտեզներին, տուն ինտերնատներին, հիվանդանոցներին,
 - փչացող առգրավված կենսառեսուրսները հաստատություններին հանձնելու ժամանակ Տեսչական մարմնի տարածքային ստորաբաժանման և ընդունող կազմակերպության ղեկավարների միջև պետք է կազմվեն հանձնման-ընդունման արձանագրություններ,

- փչացող առգրավված կենսառեսուրսները հաստատություններին հանձնել անասնաբուժասանիտարական փորձաքննության եզրակացության առկայության դեպքում:

29. Իրականացնել Կարգի 3-րդ կետի պահանջները, այն է՝ տեսագրել Տեսչական մարմնի տարածքային ստորաբաժանման Տեսուչների կողմից առգրավված կենդանի վայրի կենդանիներ ազատ արձակելու պահը և կազմել արձանագրություն:
30. Իրականացնել Կարգի 4-րդ կետի պահանջները, այն է՝ առգրավված թփերի ու խոտաբույսերի ոչնչացման համար կազմել հանձնաժողովներ, արձանագրություն և տեսագրել ոչնչացման պահը:
31. Իրականացնել Կարգի 7-րդ կետի պահանջները, այն է՝ գրանցամատյանում արձանագրել առգրավված բնական ռեսուրսները արձանագրված խախտման հետ համադրելու համար անհրաժեշտ տեղեկատվությունը, իսկ գրանցամատյանները վարվել պատշաճ կարգով:
32. Հետամուտ լինել ստուգման ժամանակ հայտնաբերված և առգրավված ապօրինի ձեռք բերված բնական ռեսուրսների իրացումից կամ դրանց նկատմամբ կիրառված պատժամիջոցներից առաջացած գումարները ՀՀ պետական բյուջե մուտքագրմանը՝ համաձայն «Բնապահպանական վերահսկողության մասին» ՀՀ օրենքի 30-րդ հոդվածի 6-րդ մասի դրույթների:
33. Կատարել Կանոնադրության 12-րդ կետի 6-րդ ենթակետով սահմանված կարգով իրավասությանը վերաբերող իրավական ակտերի նախագծեր, դրանցում փոփոխություններ և լրացումներ մշակելու և համապատասխան մարմիններին ներկայացնելու իր գործառույթը, այն է՝ ՀՀ կառավարության 2005 թվականի սեպտեմբերի 22-ի «Ստուգման ժամանակ հայտնաբերված և առգրավված ապօրինի ձեռք բերված բնական ռեսուրսների (ներառյալ՝ որսի) տնօրինման կարգը հաստատելու մասին» № 2168-Ն որոշման մեջ իրականացնել փոփոխություններ և սահմանել, որ ապօրինի ձեռք բերված բնական ռեսուրսներ կարող են հայտնաբերվել և առգրավվել նաև վարչական վարույթի շրջանակներում:
34. Համագործակցել ՀՀ պետական այլ մարմինների հետ կենդանական կամ բուսական աշխարհին պատճառված վնասի հատուցման՝ պետական բյուջե գումարների մուտքագրման հետագա ընթացքի նկատմամբ վերահսկողություն իրականացնելու նպատակով:
35. Հետամուտ լինել 2017թ-ից 2018թ-ի սեպտեմբերի 30-ն ընկած ժամանակահատվածում պետական բյուջեի վնասի հատուցման շուրջ **3,137,012.6** հազ.դրամ գումարի պետական բյուջե մուտքագրմանը:
36. Կատարել «Տեսչական մարմինների մասին» ՀՀ օրենքի 6-րդ հոդվածի 1-ին մասի 5-րդ կետի և Կանոնադրության 12-րդ կետի 7-րդ ենթակետի դրույթները, այն է՝ տնտեսավարող սուբյեկտի(ների) գործունեությանն առընչվող, տեսչական մարմնի իրավասությանը վերաբերող նոր իրավական ակտեր ընդունվելու կամ ուղեցույցներ հրապարակվելու, ինչպես նաև դրանցում փոփոխություններ կամ լրացումներ կատարվելու դեպքում այդ մասին իրազեկել տնտեսավարող սուբյեկտներին:
37. Հետամուտ լինել, որպեսզի տնտեսավարող սուբյեկտների կողմից միասնական հարկային հաշվարկի հավելվածը ներկայացվի Տեսչական մարմնի հաստատմանը՝ համաձայն ՀՀ կառավարության 2017թ. հոկտեմբերի 5-ի № 1291-Ն որոշմամբ հաստատված